



*Ti biag nga agnanayon
ket maysa nga awan
baybayadna a*

SAGUT

Ni Apo Jesu-Cristo ket binayadanna iti nangina ti panacaisalacan ta cararuam. Isu *“nga intedna ti bagina gapu cadagiti basbasol tayo,”* (Galacia 1:4a) Ni Jesus, ti Anac ti Dios, *“isu a nagayat caniac, ket inyawatna ti bagina gapu caniac.”* (Galacia 2:20b)

Ket *“gapu iti darana met laeng simrec iti namimpinsan a maipaay iti agnanayonen idia santo a disso, a nagun-odanna ti agnanayon a pannacasubbot.”* (Hebreo 9:12b), awanen ti nabati a gatad nga intay bayadan! ta *“Natungpalen.”* (Juan 19:30a)

Ket datayo maibilang a *“nalinteg nga awan ti baybayadna gapu iti paraburna.”* (Roma 3:24a) Ti panacaisalacan ket *“saan nga aggapu cadagiti ar-aramild, tapno awan ti siasinoman nga agpasindayaw.”* (Efeso 2:9) Ti Dios *“isu a nangisalacan cadatayo ken nangawis iti maysa a panangawis a nasantoan, saan a mayalubog cadagiti ar-aramid tayo, no di ket parabur, a naited cadatayo ken Cristo Jesus idi sacbay cadagiti adu a pannawen a mapalabas.”* (2 Timoteo 1:9)

Cas ti Biblia, ti Sao ti Dios, kinunana, *“panungpalenmi ngarud a ti tao maibilang a nalinteg gapu iti pammati uray awan dagiti ar-aramid dagiti linteg.”* (Roma 3:28) *“Ta gapu iti parabur naisalacancayo gapu iti pammati; ket daytoy saan a nagtaud cadacayo: ta daytoy sagut ti Dios:”* (Efeso 2:8)

Ti panakimiyembro iti iglesia ket saannaca a maisalacan.

Ti Biblia kinunana, *“Cas adda a naisurat, awan ti nalinteg, awan, uray maysa:”* (Roma 3:10) *“Ta isuda amin nagbasolda, ket agcurangda iti dayag ti Dios:”* (Roma 3:23) Ti basol isu ti problema, ket ti caadda iti iglesia ket saan nga isu ti macaiccat. Ni Jesu-Cristo kinunana met laeng, *“Pudno, pudno, cunac kenca, no ti maysa a tao saan a mayanac a mabaliwan, saanna a mabalin a kitaen ti pagarian ti Dios.”* (Juan 3:3b)

Saan monton nga maala ti gundaway mon.

Ti Biblia kinunana, *“Ket gapu ta naituding cadagiti tattao a matayda iti mamimpinsan, ket inton malpas daytoy ti pannacaocom:”* (Hebreo 9:27) Saanmo a maipasigurado no mano pay ti horas a nabati iti biagmo. *“Idinto a dicay ammo ti maaramidto no bigat. Ta ania ti biagyo? pudno a cas la maysa nga alibungubong, nga iti apagbiit, agparang ket agpucaw.”* (Santiago 4:14)

Saanmo nga maisalacan dayta bagim.

Ti Biblia kinunana, *“ngem agsipud ta ammmi a ti tao mapalinteg, saan a gapu cadagiti araramid ti linteg,”* (Galacia 2:16a) Ket kinunana pay, *“Ta dacami amin nagbalincami a cas maysa a narugit, ket amin a kinalintegmi isuda ti cas maysa a narugitan a pagan-anay;”* (Isaias 64:6a)

Ti pannacaisalacan ket libre iti amin.

Ti Biblia kinunana, *“Ta siasinoman nga umawagto iti nagan ti Apo maisalacanto.”* (Roma 10:13) Ti Biblia kinunana, *“Ni Cristo Jesus immay ditoy lubong tapno isalacanna dagiti managbasol;”* (1 Timoteo 1:15b) *“Ta ni Cristo nagsagaba met gapu cadagiti basbasol, iti naminpinsan daydi nalinteg gapu cadagiti nakil-lo, tapno iragpatnatayo iti Dios,”* (1 Pedro 3:18a)

No saanca a maisalacan...

Ti Biblia kinunana, *“Ket ti asuc ti tutuocda agpangpangato iti agnanayon; ket awanti panaginanada iti aldaw den rabii,”* (Apocalipsis 14:11a) *“Ta dagiti supapac ti basol isu ni patay;”* (Roma 6:23a) Ngem daytoy nga ipapatay ket nacarcaro ngem ti panacatay a pisical. Daytoy ti Ti agnanayon nga panacaipasged! Ti Biblia kinunana, *“ngem no maipapan cadagiti natacrut, ken cadagiti di namati, ken dagiti nasabrac, ken dagiti mannakicamalala, ken dagiti managanito, ken dagiti agrucbab cadagiti didiosen, ken dagiti isu-amin nga agululbod, ti bingayda addanto idia y danaw a sumsumged ti apuy ken azufre; daytoy ti ipapatay a maicadua.”* (Apocalipsis 21:8)

Casano ti panacaisalacanmo

Ti Biblia awaganna daytoy *“ti panagbabawi iti Dios,”* (Dagiti Aramid 20:21b) Panagbabawi isu ti panagbalbaliw ti puso nga isu ti panangtallikudmo cadagiti wagasmo ti panagbiag maipapan iti Dios, a mangawat cadagiti kinapudno idia y Biblia nga sica ket managbasol iti sangoananna, ket saanmo a cabaelan nga isalacanto ta bagim iti panacatuoc sadi infierno, naikeddeng gapu cadagiti basbasolmo.

Ti Biblia awaganna daytoy *“ti pammati ken apotayo a Jesu-Cristo.”* (Dagiti Aramid 20:21b) Pammati ket isu ti panangicabil ti amin nga panagtalec ken Jesu-Cristo cas isu laeng ti aminmo ken mangdalus cadagiti nacabasolam ket isalacanna ta cararuam iti panacatuoc idia y infierno.

Ti Biblia kinunana, *“Mamatica ken Apo Jesu-Cristo, ket maisalacancanto,”* (Dagiti Aramid 16:31a) No awatem ni Jesu-Cristo dita pusom, babaen ti panagtalecmo kencuana a mangisalacan iti cararuam, agbalinca nga anec ti Dios ken agnaedcanto sadi langit iti agnanayon. *“Ngem cadagiti amin nga immawat kencuana, iniccanna ida ti calintegang nga agbalin nga anac ti Dios, uray cadagidiay a mamati iti naganna:”* (Juan 1:12) Incari ti Dios nga isalacannaca no la ketdi agtalecceca ken Jesu-Cristo a cas manubbotmo. *“Agsipud ta no ipudnom babaen ti panagsao a ni Jesus isu ti Apo, ket patiem iti pusom a ti Dios pinagungarna cadagiti natay, maisalacancanto.”* (Roma 10:9)

Pangaasim coma ta awatem ti sagut nga awan baybayadna nga isu ti biag nga agnanayon a sagut ti Dios. No awatem ni Jesu-Cristo a cas Apo ken Manubbotmo ken agcararagca iti amin a pusom: “Napateg a Dios, maasica coma caniac a managbasol. Pacawanennac coma cadagiti basbasolco, ket ita agtalecceca ken Jesu-Cristo nga isalacannac. Ita awatecon Isu nga Apo ken Mangisalacanco. Kiddawec ngarud ti biag nga agnanayon nga Isu binayadanna babaen iti napateg nga Darana. Daytoy ngarud ti idawdawatco iti nagan ni Jesu-Cristo, Amen.

Ipatulodmo ngarud daytoy nga tract tapno maamoanmi nga calpasan ti panangbasam iti daytoy, ket decidido can nga agtalec ken Jesu-Cristo a cas Mangisalacanco.

Nagan _____

Pagtaengan _____



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 6200 (Ilocano)

All tracts free as the Lord provides. Not to be sold.